

Održana redovita godišnja skupština EuroGeographicsa za 2019. godinu

10.10.2019 14:51



Redovita godišnja skupština EuroGeographics-a za 2019. godinu održana je u Manchester-u, Velika Britanija u periodu od 7. do 10. oktobra, a ovogodišnji domaćin je bila Nacionalna agencija za mapiranje Velike Britanije, Ordnance Survey, u saradnji sa Registrom za zemljišne knjige Velike Britanije i Škotskim registrom. Generalnu skupštinu je prigodnim govorom otvorili su izvršni direktor agencije, gosp. Steve Blair i predsjednik EuroGeographicsa, gosp. Colin Bray.

EuroGeographics je neprofitabilna organizacija koja okuplja i predstavlja nacionalne katastarske, zemljišno-knjižne i kartografske evropske agencije. Udruženje trenutno broji preko 63 agencije koje

dolaze iz 46 zemalja evropske regije. Na ovogodišnjoj skupštini se razgovaralo o izazovima, promjenama i mogućnostima i nakon 2020. godine, gdje su razmatrana pitanja nacionalne odgovornosti, međunarodne perspektive i odgovora od strane EuroGeographicsa na ta pitanja.

Tokom skupštine se razmatralo i poslovanje udruženja te izvršilo usvajanje poslovnih bilanci za prethodnu godinu. Diskutovalo se i o operativnom planu i budžetu EuroGeographics-a za 2020. godinu te putem glasanja usvojile zvanične verzije za predmetni period.

Izvršen je i izbor novih članova Upravnog odbora Eurogeographicsa kao i ponovni izbor predsjednika udruženja, a funkciju će u novom mandatu obavljati gosp. Colin Bray.

Kako je Federalna uprava za geodetske i imovinsko – pravne poslove domaćin generalne skupštine EuroGeographics-a za 2020. godinu, direktor uprave gosp. Željko Obradović je kroz prigodnu prezentaciju i prateći video sadržaj najavio održavanje ovog važnog događaja za Evropsku geoprostornu zajednicu, predstavio zemlju domaćina i njen glavni grad, predstavio dostupne smještajne i kongresne kapacitete predviđene za narednu redovnu skupštinu, te ujedno i pozvao članove na prisustvo i posjetu Sarajevu i Bosni i Hercegovini. Direktor je istakao da je veliko priznanje i čast organizovati ovakav događaj u Bosni i Hercegovini, te jedinstvena prilika za promociju Bosne i Hercegovine i njezinih vrijednosti.

Godišnja skupština je prilika za okupljanje svih nadležnih evropskih kartografskih i katastrskih agencija, kao i predstavnika drugih evropskih organizacija koje imaju značajan utjecaj u polju upravljanja geoinformacijama.

Federalnu upravu za geodetske i imovinsko-pravne poslove na generalnoj skupštini EuroGeographics-a su predstavljali direktor uprave, gospodin Željko Obradović, stručni savjetnik u sektoru za geoinformatiku, gospodin Denis Tabučić te članice organizacionog odbora za održavanje naredne generalne skupštine, gđa Jelena Zelić i gđa Nina Tavra.





```
// Load JS file theme Galleria.loadTheme('files/galleria/themes/classic/galleria.classic.min.js'); // Initialize
Galleria Galleria.run('#gallery-1' , { width: 'auto', height: 500, transition: 'fade', initialTransition:
'undefined', clicknext: false, showImagenav: true, showCounter: true, lightbox: false, imageCrop: false,
imageMargin: 0, imagePan: false, carousel: true, carouselSpeed: 200, carouselSteps: 'auto',
pauseOnInteraction: true, show: 0, showInfo: true, thumbnails: true, thumbCrop: true, thumbMargin: 0,
thumbQuality: true, easing: 'galleria', transitionSpeed: 400, popupLinks: false, preload: 2, debug: true,
queue: true, imagePosition: 'center', maxScaleRatio: 0, swipe: true, fullscreenDoubleTap: true,
layerFollow: true, imageTimeout: 30000, fullscreenCrop: 'landscape', fullscreenTransition: 'undefined',
touchTransition: 'undefined', keepSource: false, trueFullscreen: true, responsive: true, wait: 5000,
idleMode: true, idleTime: 3000, idleSpeed: 200, thumbDisplayOrder: true, maxVideoSize: 'undefined',
videoPoster: true, thumbPosition: 'center' });
```